



RELATORIU SEMANAL

05 ate 09 jullu 2021

**MONITORIZASAUN BA
IMPLEMENTASAUN VASINA IHA
TERRITÓRIU-TIMOR-LESTE**

**Forum ONG Timor-Leste – FONGTIL
Vaccine Monitoring**

FONGTIL-ReNAS

Lista Konteúdu

Contents

Introdusaun	3
Objetivu Monitorizasaun	3
Se mak implementa Monitorizasaun	3
Area Monitorizasaun (Lokasaun no Tempus)	4
Area Programa mak sei halo Monitorizasaun	4
Prosesu Monitorizasaun no Advokasia	4
Metodolojia Monitorizasaun	4
Deskobrimentu Monitorizasaun Vasina	5
Konkluzan no Rekomendasaun	6
Konkluzan	10
Rekomendasaun	11

Introdusaun

Forum ONG Timor Leste (FONGTIL) ne'ebe nudár organizasaun sombriña ba ONGs sira no nudár mós organizasaun sosiedade sivíl iha Timor-Leste. **FONGTIL halo nia kna'r hodi apoiu politika governu nian katak to'o decembro 2021 populasaun Timor-Leste mais 80 % simu ona Vacina. FONGTIL asegura katak oinsa ministerio saude, liu-liu pessoal saude sira bele presta atendimentu diak ba populasaun sira, nune'e bele hasae taxa partisipasaun populasaun ba simu vacinasaun.** FONGTIL destaka 44 ne'ebe halo monitorizasaun ba programa Vacinasaun iha Postu 65, 12 Municipio no RAEOA, monitoring refere sei hahu June ate decembro 2021

Forum ONG Timor-Leste tinan barak ona fó apoiu ba ONG membru no rede sektorál sira hodi implementa monitorizasaun no advokasia inklui implementasaun programa auditoria sosiál ba setór prioridade governu nian hanesan saúde, edukasaun, agrikultura, infrastrutura báziku no programa transversal sira igualdade jéneru, defisiénsia no inkluziun sosiál.

Husi parte saúde nian, tinan ida liu ona mundu enfrenta situasaun COVID-19, no to agora kuaze ema liu tokon 170 mak intestadu husi COVID-19, mate tokon 3 atus lima no Timor-Leste hasoru inimigu invizivel, ema sira ne'ebe mak rekopera tokon 152 <https://www.worldometers.info/coronavirus/>. Iha Timor-Leste rasik hahú husi fulan Marsu 2020 to agora total populasaun mak intestadu COVID-19 rihun neen liu, rekopera besik rihun haat no mate 15 (COVID-19 Timor-Leste Update 29 Maiu 2021).

Governu Timor-Leste, Organizasaun Saúde Mundial, no organizasaun hotu-hotu servisu hodi responde ba situasaun pandemia COVID-19 liu husi hamosu lejjilasaun sira, Protokolu no inklui mata dalan planeamentu no implementasaun COVID-19 mak aprova husi Konsellu Ministru iha 26 Maiu 2021 <http://timor-leste.gov.tl/?p=28202&lang=tp>.

Vasina hanesan meius preventiva ba pandemia COVID-19, nune'e atu garante efikásia, kualidade prestasaun servisu no direitu sidadaun nian mak importante envolvimentu sosiedade sivíl hodi halo monitorizasaun no advokasia.

Objetivu Monitorizasaun

Objetivu husi monitorizasaun mak:

- Atu asegura iha retroasaun (feedback) hodi asegura prestasaun servisu mak iha kualidade, efikásia no inkluzivu
- Asegura comunidade ninia direitu hodi asesu ba informasaun husi importante husi vasina no asesu ba vasina ho konsiénsia rasik.
- Asegura iha retroasaun (feedback) ba públiku hodi hasa'e partisipasaun públiku iha vasina hanesan meius hodi kontribui ba prevensaun COVID-19.

Se mak implementa Monitorizasaun

FONGTIL mak sei lidera servisu monitorizasaun membru ONG sira iha territóriu tomak, iha espetasaun ONG 39 mak hala'o programa monitorizasaun ida ne'e, ho kada munisipiu ONG tolu. Ho nune'e relatoriu NGO sira ne'ebe hatama ona rezultadu monitorizasaun mai iha FONGTIL hosi loron 05 Jullu to'o 09 Jullu 2021 mak NGO ANCT-TL, Forum Tau Matan, SHC, FUNERO,

Knua Haberan Komunitade (KHK), FDR, Uma Paz, no informasaun adisional sira ne'ebe relata husi Municipiu 12 no RAEOA.

Area No Tempu Monitorizasaun (Lokasaun no tempu)

Monitorizasaun ida ne'e halo iha muncipiu dili mak kampus UNTL no SAMES, centru saude Formoza, Sentru Saude Becora, Sede Suku Mota Ulun, Sentru Saude Maubara (Liquisa), Suku Saelari (Laga,Baucau), Suku Fuiloro Aldeia Central no Centru Saude Lospalos (Lospalos), Suku Uma quik, Suku Carabalu(Viqueque) ho tarjetu ba fatin sira implementasaun vasina nian

Area Programa mak sei halo Monitorizasaun

Programa Monitorizasaun ida sei foku ba Setór Saúde ho fokus ba implementasaun programa Vasinasaun COVID-19 iha territóriu Timor-Leste.


Prosesu Monitorizasaun no Advokasia

1. Faze preparasaun, sei organiza ONG membru tolu kada munisipiu hodi halo orientasaun kona-ba prosesu monitorizasaun.
2. ONG membru sira sei rekolla dados iha territóriu Timor-Leste tomak liu husi métodu observasaun, dada lia pesoál saúde, lider comunidade no membru comunidade (hare'e métodu espesífiku tuir pergunta).
3. ONG membru sira iha Munisipiu ida-idak sei organiza dados inklui halo entry ba formatu prienxe dados nian mak kria iha kada munisipiu no apresenta ba sekretáriadu FONGTIL
4. Ekipa téknika ida iha sekretáriadu FONGTIL sei organiza dados sira, kompila dados prodús relatóriu deskobrementu no Diretór Ezekutivu regulármente sei hato'o ba públiku no dirije ba ministériu relevante.
5. Prosesu follow no avaliasaun advokasia sei planeia hodi garante realizasaun ba rekomendasaun sira.

Metodolojia Monitrizasaun no Analiza dados.


Monitorizasaun ne'e uja mak metodu observasaun no rekolha dados uja chek list ka kestionariu badak ida atu observa ba prosesu vasinasaun sira iha sentru vasina nian. Hosi metodu halibur dados hotu sei organiza dados no analiza dados uja softwear SPSS no formatu priense dados nian, nune'e mos uja analiza deskritivu persentazen ba grafiku ba perguntas sira ne'ebe iha. Analiza hotu sei elabora no iterpreta persentazen dados sira no ikus elabora deskobrimentu sira no hamosu rekomendasaun.

Deskobrimentu hosi Monitorizasaun Vasina hosi loron 05 ate 09 Jullu 2021




Rezultadu deskobrimentu ba prosesu rejistrasaun Komunitade ne'ebe mak mai vasina ne'e hatudu katak 40.00% mak hatete Rejistu lao diak no pesoal saude sira tuir tempu , 33,33% mak hatete rejistu la lao diak no pesoal saude sira halo atendumtu la tuir tempu no opsaun seluk ne'e 26,67%. Ida ne'e esforsu bo'ot ida oinsa mak bele servisu masimu ba prosesu rejistrasaun sira diak liu no lakunas sira nebe naksalak presija hadia,presija atende tuir tempu nebe iha atu nune'e komunitade sira mos hakarak hola parte iha vasina.

2. Pesoal Saude sira kria oráriu vasinasaun ka lae?




Rezultadu deskobrimentu hatudu katak pesoal saude sira kria orariu vasina ne'e hatudu rezultadu katak 60,00% mak iha orariu vasina nian eskrita no fahe ba komunitade, 20,00% mak pesoal saude sira halo avizu husi pesoal saude iha bairro ka suku no 20,00% mak opsaun seluk tamba rona husi ema seluk. Kada mudansa orariu ba vasinasaun ne'e presija servisu hamutuk ho autoridade lokal no informasaun antes atu komunitade sira hatene orariu lolos hodi nune'e komunitade sira bele hola parte iha vasinasaun.

3. Tempu vasina kada loron tuir oráriu ka lae?




Rezultadu Deskobrimentu vasina kada loron tuir orariu ka lae ne'e hatudu katak 20,00% mak hatete pesoal saude sira halo atendumtu vasina la tuir orariu, 26,00% ne'e hatete katak pesoal saude sira halo atendumtu vasina dala ruma tuir orariu no dala ruma la tuir, 26,00% pesoal saude sira halo atendumtu vasina tuir orariu no 26,67% hatete opsaun seluk. Ida ne'e atu hatete katak kada loron vasina la tuir orariu tamba depende stok vasina no balu hili opsaun seluk tamba vasina la to' o ba komunitade. Ida ne'e hatudu katak pesoal saude sira halo halo atendumtu vasina tuir orariu ne'e pursentu kiik liu no presija esforsu makas no tuir orariu no labele tarde iha sentru vasinasaun.

4. Pesoal saude sira hetan ona treinamentu adekuadu hodi halo vasina?



Rezultadu deskobrimentu sira hetan ona treinamentu hodi halo vasina ne'e hatudu katak 46,67% mak doutor no pesoal saude sira hotu hetan ona trenamentu adekuadu hodi halo vasina, 20,00% mak Doutor no pesoal saude sira sidauk hetan ona trenamentu adekuadu hodi halo vasina, opsaun seluk , 13,33% mak Doutor no pesoal saude sira balun heran ona trenamentu adekuadu hodi halo vasina. Hosi ne'e presija atensaun mos ba formasaun ba enfermeiru sira iha postu administrativo no suku sira hodi hetan trenamentu adekuadu. Numeru percentazen ba treinamentu ne'e sei kiik liu no karik presija nafatin fo trenamentu ba pesoal saude sira atu servisu ho profesional.


5. Pesoal saude uza ekipamentu protesaun pesoal iha momentu halo vasina.



5. Pesoal saude uza ekipamentu protesaun pesoal iha momentu halo vasina.


Rezultadu deskobrimentu hatudu katak pesoal saude uja ekipamentu protesaun pesoal iha momentu halo vasina ne'e hatete katak 46,67% mak pesoal saude uja EPP maibe la kompletu, 26,67% mak opsaun seluk, 13,33% mak pesoal saude la uja ekipamentus protesaun pesoal no pesoal saude uja ekipamentu protesaun pesoal ho kompletu. Percentajen pesoal saude sira uja Ekipamentu protesaun pesoal la kompletu ne'e percentajen kiik liu no presija esforsu atu sosa ba pesoal saude sira bele uja wainhiira halo vasinasaun iha komunidadade iha komunidadade nia le'et, ida ne'e esforsu Ministeriu saude nian oinsa bele fo atensaun masimu.

6. Pesoal saude Fahe informasaun ba komunidadade kona-ba importante husi vasina




Rezultadu deskobrimentu kona ba pesoal saude fahe informasaun ba komunidadade kona ba importansia husi vasina nian ne'e hatudu katak 60,00% mak komunidadade hetan esplikasaun klean kona ba importansia vasina husi pesoal saude iha bairo ka suku, 20,00% mak opsaun seluk, 13,33% mak komunidadade hetan esplikasaun klean kona ba importansia vasina husi pesoal saude iha momentu mai halo vasina, 6,67% mak hatete komunidadade hetan esplikasaun husi familia no vizinho no la komprende kona ba importansia husi vasina ne'e. Ne'e hatudu katak governu sidauk atinji kona ba fahe informasaun ba komunidadade pesoal saude sira ka ministeriu saude fahe informasaun ba komunidadade kona ba impartansia no benefisiu vasina nia ne'e sei menus liu no presija atensaun makas no estratejia oin-oin oinsa komunidadade bele hakbesik an ba sentru vasinasaun.

8. Fatin vasina prepara ekipamentu prevensaun COVID-19 nian hanesan fasilidade fase liman, sanitizer no seluk-seluk tan?



Rezultadu kona ba fatin vasina prepara ekipamentus prevensaun COVID19 hanesan fasilidade fase liman no Sinitizer ne'e nota katak 33,33% mak hatete fatin vasina ladun adekuaudu iha fasilidade be'e, haris fatin, fase limanho sabaun no fatin vasina iha be'e no fasilidade fase liman ho sabaun no material prevensaun sira seluk hanesan sinitizer, 13,33% mak fatin vasina la iha fasilidade bee' no fase liman ho sabaun no material prevensaun covid-19 nebe adekuaudu no 20,00% mak opsaun seluk. Presija atensaun no prepara ekipamentu prevensaun.


9. Fatin vasina assesivel ba ema ho defisiensi no idozu sira



9. Fatin vasina assesivel ba ema ho defisiensi no idozu sira


Iha fatin Vasina asesivel ba ema ho defisiensi no idozus ne'e deskobre katak 53,33% mak iha fatin vasina assesivel ba ema ho defisiensi no idozus sira, Fatin vasina ladun assesivel ba ema ho defisiensi no idozus ne'e 6,67% no 20,00% mak fatin vasina la assesivel ba ema ho defisiensi no idozus nomos 20,00% mak hili opsional. Ida ne'e hatudu katak presija esforsu buka fatin nebe assesivel ba ema EhD no idozus sira atu sira hola parte iha vasinasau. Dalan atu rezolve ida ne'e presija konstrui fatin vasina sira tenki halo rampa hodi nune'e ema nebe idozus no maluk ho defisuensia bele hola parte ba.

10. Fatin vasina sentru komunidade no atrai partisipasaun



Fatin vasina ne'e sentru ba komunidade no Atrai partisipasaun komunidade nian ne'e hatudu katak 40,00% Fatin la Sentru no difikulta ba komunidade ninia partisipasaun tamba maioria komunidade hela dok husi fatin vasina, 26,67% ne'e fatin sentru no la difikulta komunidade ninia partisipasaun hodi tuir vasina, 13,33% mak Fatin ladun sentru no difikulta ba komunidade niani partisipasaun hodi tuir vasina tamba balun dok no balun besik. Ita sidauk atinji ba ida ne'e no presija fatin vasina ne'e besik liu tan sira ka uja maneria aprosimasaun diak hodi bele konvense atu komunidade bele ba vasina. Buka mos fatin ne'ebe ema barak.


11. Membru Komunidade mak atu vasina kumpre Protokolu saude nian kona-ba distansia, uza maskara no iha fasilidade prevensaun ijene pesoal



11. Membru Komunidade mak atu vasina kumpre Protokolu saude nian kona-ba distansia, uza ...


Membru Komunidade mak atu vasina kumpri protokolu saude nia kona ba distansiamentu sosial, uja maskra no iha fasilidade prevensaun hijene ne'e hatudu katak 46,67% mak hatete fatin vasina ladun organiza ho distansiamentu no komunidade ladun kumpriende protokolu saude nian kona ba prevensaun, 20,00% hatete fatin vasina nian organiza distansiamentu sosial no komunidade hotu kumpri protokolu saude kona ba prevensaun, 6,67% hatete fatin vasina la organiza distansiamentu la kumpri protokolu saude, no 26,67% hatete opsaun seluk.

12. Membru komunidadu simu vasina ho konsiensi rasik sein dudu husi ema seluk ka ameasa ruma?




Membru Komunidadu simu vasina ho konsiensi rasik sein dudu husi ema seluk ka ameasa ne'e deskobre katak 33,33% hatete katak komunidadu simu vasina maibe tamba dudu husi parte seluk, 26,67% hatete katak komunidadu simu vasina ho konsensia rasik tamba importansia husi vasina hodi prevene COVID-19, 20,00% mak hatete katak komunidadu simu vasina la ho konsensia maibe hakarak bele lao ba mai livre no opsaun seluk tan. Ida ne'e presija atensaun no maneira oinsa para komunidadu sira ba vasina ho konsensia.

13. Doutor no Pesoal na'in hira mak atende vasina




Doutor no pesoal saude nain hira mak atende vasina ne'e deskobre katak 26,67% mak hatete katak numeru doutor no pesoal saude sira la balansu ho membru komunidadu nune'e atendementu kleur, 26,57% mak hatete doutor no pesoal saude sira mak halo atendementu barak no atendementu lalais, 20,00% mak hatete doutor no pesoal saude limite tebes nune'e prejudika atendementu kleur tebes labele responde membru komunidadu mak prezensa no 26,67% mak hatete opsaun seluk. Presija atensaun ba kolokasaun doutor no pesoal saude ba komunidadu nebe'e ema barak.

14. Doutor sira sei Konsultasaun uluk no membru komunidadu livre hodi ko'alia sai istoria moras nian antes simu vasina?




Doutor sira konsultasaun uluk no membru komunidadu livre hodi koalia sai istoria moras antes vasina ne'e hatudu katak 46,67% mak hatete katak komunidadu konsulta uluk ho doutor no livre koalia sai istoria moras nian antes simu vasina, 26,67% hatete katak komunidadu konsulta uluk ho doutor ka pesoal saude no ladun kee istroria moras nian antes simu vasina, 26,67% mak hatete opsaun seluk.

15. Pesoal saude halo vasina ba membru komunidadu tuir Protokolu vasina nian




Pesoal saude hala'o vasina ba membru komunidadu tuir protokolu vasina nian ne'e deskobre katak 53,33% hatete katak vasina ho diak no la iha reazen husi komunidadu ne'ebe iha mementu vasina iha sentru vasinasaun, 20,00% mak hatete katak vasina la lao diak tamba iha reazen iha momentu halo vasina no 26,67% mak hatete hili opsaun seluk. Ida ne'e diak maibe nafatin kuidadu no presija atensaun masimu ba ida ne'e hodi nune'e karik reazen bele atende lalais.

16. Depois de simu tih vasina, membru komunidad mak hetan vasina sei deskansa oras ida hodi halo



Depois simu vasina membru komunidad hetan vasina sei deskansa oras ida hodi halo observasaun ne'e deskobre katak 40,00% komunidad simu vasina deskansa oras ida iha fatin vasina hodi halo observasaun, 33,33% komunidad simu vasina deskansa la to'o oras ida iha fatin vasina hodi halo observasaun no 26,67 mak hili opsaun seluk. Haruka komunidad deskan antes husik fatin vasinasau.


17. Oinsá jestaun ba lixu kro'at no lixu Infesaun.



17. Oinsá jestaun ba lixu kro'at no lixu Infesaun.


Jestaun ba lixu kroat no lixu infesaun ne'e deskobre katak 46,67% hatete katak lixu kroat (daun, Fresku Botir) no Lixu infesau (tissue, luvas no Hena) organiza diak iha fatin ketak no seguru, 26,67 mak hatete lixu kroat (hanesan daun, Fresku Botir), no lixu infesaun (tissue, luvas, hena) soe arbiru deit no 26,67% hatete katak hili opsaun seluk. presija hadomi ambiente no kuidadu nafatin ambiente mos .

18. Oinsá prosesu dokumentasaun no relatóriu sira vasina nian



Prosesu dokumentu no relatoriu sira vasina nian deskobre katak 46,67% dadus organiza diak no komputeriza no komunika ba sentru akumulasaun dadus vasina nian, 20,00% hatete katak dadus la organiza ho diak, komputeriza no komunika ba sentru akumulasaun dadus vasina, 6,67% hatete katak dadus ladun organiza ho diak, komputeriza ba sentru akumulasaun dadus vasina nian, 26,67% mak hili opsaun seluk. ida ne'e diak ona maibe presija atensaun nafatin no baze de dadus ne'e ka dokumentu sira konserva didiak

19. Iha ka lae lamentasaun ruma husi komunidad



19. Iha ka lae lamentasaun ruma husi komunidad

Lamentasaun ruma husi komunidad nian ba vasina ne'e hatudu katak 86,67% mak hatete la iha lamentasaun no 13,33% ma iha lamentasaun. Iha lamentasaun tamba atendentu kleur, vasina mak hotu no balu dok husi fatin vasinasau , vasina nian reazen.lamentasaun ne'e pursentu ki'ik maibe presija atensaun nafatin no karik iha problema iha sentru vasinasau presija hadia lalais.

Deskrobrimentus sira:

Pontus deskobrimentu iha monitorizasaun ba semana datoluk ne bazeia ba analiza dadus ne'ebe membru organizasaun sosiedade sivil (OSS) haruka relatoriu eskrita no mos liu hosi WhatsApp hosi munisipiu sira mai iha Seretariadu FONGTIL/ReNAS hanesan tuir mai ne'e:

ne'ebeMaioria sentru vasinasaun pesoal saude kria orariu ba simu vasina nian no distribui ba komunidadade sira hodi bele ba simu vasina;

1. Tempu ka orariu atu simu vasina iha sentru saude balun latuir orariu ida ne akontese barak liu tanba komunidadade sira ne'ebe atu ba simu vasina ba tarde no iha sentru vasina balun komunidadade ne'ebe atu ba simu vasina la to 10 tanba ne atraza pesoal saude atu fo vasina
2. Pesoal saude ne'ebe fo vasina la uza ekipamentu EPP kompletu ho razaun katak sira nia ekipamentu limitadu
3. Maioria komunidadade sira ne'ebe ba simu vasina hetan informasaun hosi pesoal saude konaba loron simu vasina
4. Fatin vasina barak mak laiha ekipamentu no fasilidade prevensaun Covid19 hanesan fatin fase liman, be mos iha toilet, hand sanitizer no seluk tan.
5. Fatin vasina kontinua la fo atensaun ba maluk Ema ho Defisiensia (EhD) no idozus sira atu livremente bele asesu ba simu vasina
6. Iha sentru vasinasaun hanesan suku balun iha Liquiça, Cailaco, Lautem, Remexio, Hatubuiliku, partisipasaun komunidadade atu ba simu vasina menus ho razaun katak tauk simu vasina Atrazeneka tanba akontesimentu iha suku Lour municipiu Bobonaro.
7. Fatin vasina balun la atrai ba komunidadade sira hakarak ba simu vasina tanba fatin dok hosi sira nia hela fatin, fatin balun liu liu iha vila laran besik estrada no espasau kiik
8. Maioria sentru vasina hatudu katak doutor sira fo konsulta no ke istoria moras komunidadade nian antes ba simu vasina
9. Maioria komunidadade sira ne'ebe simu vasina la hetan reajen negativu hosi vasina
10. Responsavel SAMES relata katak sira laiha laboratoriu atu bele kontrola kualidade aimoruk sira no sira samente atu rai no konserva aimoruk sira
11. Kareta Cool Box hodi distribui aimoruk ba munisipiu iha 2 deit tanba ne'e difikulta distribuisaun vasina Covid19 ba munisipiu hotu iha tempu hanesan;
12. Responsavel SAMES preokupa konaba armajen SAMES nian bainhira tempu udan mosu dezastre naturais hanesan inundasaun bele fo ameasa ba aimorus sira no jerador eletrisidade nian
13. Komunidadade iha municipiu hakarak simu vasina sinovac maibe vasina sinovac iha municipiu la iha no balu prefere sinovac tamba tauk ba vasina atrazeneka ne'ebe nia reazen makas ba isin.

Konkluzau no Rekomendasaun

Konkluzau

Husi Rezultadu deskobrimentu sira ne'e ba semana datoluk nian konklui katak vasinasaun ne'e importante ba sidadaun hotu-hotu iha Timor-Leste liu liu ho prezensa variante foun DELTA ne'ebe

hahu hadaet iha nasaun Indonesia ne'ebe bele fo ameasa mos mai Timor Leste tamba ne'e guvernu presija iha estratejia oin-oin oinsa atu bele hasae taxa partisipasaun sidadaun nian no oinsa sidadaun sira bele vasina hotu tuir guvernu nia indikator ba atinjimentu sira katak sidadaun sira bele vasina to'o 80% iha teritorio Timor-Leste tomak. Husi ne'e sosiedade sivil hanesan parseiru ida importante oinsa halo avaliasaun ba servisu hotu-hotu liu hosi monitorizasaun no advokasia ba rezultadu sira ne'ebe deskobre hodi fo ba ministeriu saude oinsa bele hadia mekanismu implementasaun vasina nian hodi nune'e povu Timor-Leste bele hasae imunidade sidadaun nian hodi kombate moras COVID-19 iha Timor-Leste.

Rekomendasaun

Rekomendasaun importante no urjente atu hadia ita kurtu prazu ba deskobrimentu hosi rezultadu monitorizasaun sei kontinua ho rekomendasaun ne'ebe hato ona iha semana sira kotuk tanba ami konsidera ministeriu saude seidak halo mudansa signifikante:

- 1) Ministerio saude atu organiza sasan logistic sira hanesan kartaun, jestaun ba distribuisaun vacina liu-liu stok vacina no hadia atendimentu husi pessoal saude ba populasaun sira.
- 2) Ministerio saude prezisa garante stock vasina ne'ebe suficiente no aumenta numeru kareta Cool Box iha SAMES hodi bele garante distribuisaun vasina ba sentru vasinasaun sira hotu atu nune'e atendimentu vasina ba komunidadade sira lao normal
- 3) Ministeriu Saude tenki hahu investe osan tinan tinan ne'ebe suficiente ba SAMES no rekursu umanus hodi bele prepara kondisaun hotu atu garante stock no kualidade aimoruk sira hotu
- 4) Minsiteriu saude atu nafatin kuidadu vasina tau iha konjelador ho temperatura malirin 2 ate 8 derajat celcius atu nune'e vasina estavel nafatin no diak para komunidadade simu ho diak.
- 5) Husu ba Ministeriu obras publika liu-liu ba EDTL,IP atu kontrola eletrisidade sira iha teritoriu tomak atu labele mate no nafatin funsiona diak hodi nune'e proteze nafatin vasina Atrazeneka no Sinovac malirin nafatin hodi fo ba komunidadade sira ho diak nomos eletrisidade ba SAMES ne'e tenki atensaun makas tamba vasina sira iha Frezer ne'e diak nafatin.
- 6) Governu prezisa intensifika kampaña konaba importansia no benefisiu vasina nian atu proteje komunidadade hosi Covid-19 atu nune'e komunidadade ho konsiensia rasik ba simu vasina laos tanba hakarak simu vasina hodi bele lao ka sirkula livre. Kampaña ne'e tenki involve autoridade suku no aldeia atu nune'e komunidadade iha area rural sira bele asesu ba informasaun ne'ebe los. Asesu informasaun ba komunidadade tenki konsidera mos ba maluk defisiensia sira liu liu defisiente tilun no matan.
6. Ministeriu saude atu buka fatin vasinasaun ne'ebe iha asesibilidade ba ema ho defisiensia no idozus sira atu nune'e ferik no katuas no ema ho defisiensia sira bele hola parte iha vasinasaun ho diak, selae Ministeriu Saude estabesele Ekipa Vasinasaun Movel hodi bele atende Ema ho Defisiensia (tuir dadus ema ho defisiensia iha Timor Leste hamutuk rihun 30) no idozus sira iha sira nia hela fatin atu nune'e sira hotu bele simu vasina ho diak

- 7) Ministerio saude tenki kontrola masimu ba pessoal saude sira iha municipio hotu no RAEOA atu servi ho laran no hadia prestasaun servisu diak ba populasaun sira ne'ebe simu vacinasaun.
- 8) Ministeriu Saude tenki distribui ekipamentu prevensaun Covid19 liu liu masker atu nune'e komidade sira ne'ebe ba simu vasina no la uza maske bele distribui ba sira antes tama ba sentru vasinasaun nian
- 9) Ministerio saude Kontinua sensibiliza komidade konaba vacina no nia efeitu pozitivu no negativu sira ba populasaun hodi konvense ita nia populasaun atu kontinua hakat ba sentru saude hodi simu vacinasaun.
- 10) Persiza halo tratamentu antes ba populasaun sira, liu-liu sira ho idade liu tinan 60 molok vacina hodi prevene risku sira, nune'e labele repete situasaun ne'ebe akontese iha suku Lourba postu Bobonaro.
- 11) Rekomenda ba sentru saude hotu atu kolabora ho FONGTIL nia pessoal *Monitorizasaun nian* sira
- 12) Ministeriu Saude tenki kria mekanismu ba komidade sira ne'ebe ho tinan 18 ne'ebe ho konsiensia rasik hakarak simu vasina maibe seidak iha kartaun eleitoral hodi bele simu vasina.
- 13) Ministeriu Saude tenki distribui mos vasina Sinovac ba municipiu sira atu nune'e iha municipiu komidade sira ne'ebe hakarak simu vasina sinovac bele simu.